

Bao iniciativa y maneho di Fundacion Let's Talk Aruba y ELKA & Associates

Un programa pa desaroyo di nos hobennan den barionan a keda presenta



di organiza un bootcamp caba caminda diferente instancianan tambe tabata parti di e proyecto. E aña aki a cuminsa conhuntamente cu ELKA & Associates N.V. su Proyecto Auto - Estima Aruba bou division di classes & coaching pa percura pa un programa extenso pa desaroyo di e hobennan. Fundacion Let's Talk

Aruba ta haci un yamada cu hopi gratitud na tur cu por yuda sostene e programa aki door di habri portanan pa e hobennan aki por traha y tambe por sostene e stichting aki pa sigui funciona independiente a base di donacion.

ELKA & Associates N.V. bou maneho di Abigaél Arends como



Directora y Lider Certifica di e Proyecto Internacional di Self-Esteem basa na Aruba pa hopi aña ta duna diferente curso den area di desaroyo personal, laboral y spiritual pa personanan di tur edad. Abigaél siguiendo cu e Proyecto Auto-Estima Aruba cu tin mas di 10 aña di existencia, antes bou maneho di su mama Señora Lucy Arends den felis memoria ta continua cu e bunita trabao pa nos comunidad. Pa mantene nivel y experiencia di cursonan tur aña ta asisti na e

Proyecto Internacional pa asina por trece mas conocimiento nobo pa nos isla. Tur curso ta worde personalisa pa tur grupo. Tur esnan cu kier participa den e progama di Fundacion Let's Talk of pa consulta individual por tuma contacto cu ELKA & Associates na email na info@elka-aruba.com.

Bou e dicho conoci "It takes a village to raise a child" ban nos tur hunto den nos comunidad duna un man y yuda nos futuro di mayan.

ORANJESTAD (AAN): Desde January 2013 a inicia atrobe un programa cu ta tratando di trece paz entre tur e gruponan negativo, e asina yama "gangnan" den nos comunidad. Esaki den forma di encuentronan semanal educativo pa nos hobennan por desaroya nan mes pa un mihor futuro. Fundacion Let's Talk y ELKA & Associates N.V. ambos cu basta aña di experiencia den nos comunidad a sa di yuda gruponan di Santa Cruz y San Nicolas caba, e siguiente lo ta distrito di Oranjestad, bario di Madiki. Graduadonan y "success stories" di e programa aki a conta nan experiencianan personal durante y despues di e programa.

Fundacion Let's Talk Aruba bou di maneho di Señora Trudy Hassell como Presidente a splika cu e proyecto aki a worde lanta na aña 2003 pa yuda cambia e ambiente y mentalidad cu cierto hobennan ta crece den dje y caminda cu nos comunidad mes no ta yuda duna e hobennan aki un oportunidad pa un bon futuro prome cu nan cai den man di husticia. Na aña 2006 a yega